

Majlis Sesi Interaksi Pengarah Pendidikan Suntik Semangat Calon SPM SMK Taman Perumahan Bedaun



Labuan – SMK Taman Perumahan Bedaun (TPB) telah mengadakan sesi interaksi Pengarah Jabatan Pendidikan Wilayah Persekutuan Labuan, Encik Raisin Saidin bersama bakal calon-calon SPM 2019 di Dataran Bedaun SMK Taman Perumahan Bedaun baru-baru ini.

Sesi ini diadakan memberi peluang calon-calon SPM SMK TPB berinteraksi dengan Encik Raisin Saidin, di samping beliau juga mengambil kesempatan untuk menyampaikan amanat dan pesanan kepada calon-calon SPM.

Majlis dimulai dengan sesi taklimat Analisa Peperiksaan

Percubaan SPM oleh Pengetua SMK TPB, Pn, Jijah Binti Muhamad Suhai kepada Pengarah.

Dalam ucapannya, Encik Raisin Saidin meminta agar setiap calon membuat persiapan yang rapi dan berstrategi bagi menghadapi SPM.

Beliau sangat berharap agar calon-calon SPM SMK TPB dapat menjadi penyumbang kepada peningkatan Gred Purata Negeri apabila keputusan SPM dikeluarkan nanti.

Beliau juga menasihati calon agar tidak pernah berputus asa walaupun di saat-saat akhir kerana orang yang berjaya itu tidak pernah mengenal erti putus asa.

Akhirnya, beliau mendoakan agar calon-calon SPM SMK TPB akan berjaya di dalam SPM tahun ini.





Encik Raisin Saidin memberi kata-kata motivasi kepada calon-calon SPM SMKTPB

Sebagai rekod, tahun 2019, seramai 82 orang murid SMK TPB akan menjadi calon peperiksaan SPM yang akan bermula seawal 10 Oktober 2019.

Turut hadir di dalam majlis ini adalah Penolong Kanan

Pentadbiran SMK TPB, En Awang Rozlan Bin Manan, Penolong Kanan Hal Ehwal Murid, Puan Chai Yee San dan Penolong Kanan Ko-Kurikulum, Pn. Lau Chin Ying.

Berita Oleh : SMK Taman Perumahan Bedaun



Sesi taklimat Analisa Peperiksaan Percubaan SPM oleh Puan Jijah